

Javna ustanova Opća bolnica
„Prim. dr. Abdulah Nakaš“
Upravni odbor
Broj: 332-157/17
Sarajevo, 23.11.2017. godine

Na osnovu člana 20. stav (2) pod alinejom m. stava (3) i (6) istog člana Statuta Javne ustanove Opća bolnica „Prim. dr. Abdulah Nakaš“, člana 36. Poslovnika o radu Upravnog odbora Javne ustanove Opća bolnica „Prim. dr. Abdulah Nakaš“, a u skladu sa Kolektivnim ugovorom o pravima i obavezama poslodavaca i radnika u oblasti zdravstva za područje Kantona Sarajevo („Službene novine Kantona Sarajevo“ broj 44/17) i Kolektivnim ugovorom o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo („Službene novine Kantona Sarajevo“ broj 45/17) na 7. (sedmoj) redovnoj sjednici održanoj dana 23.11.2017. godine, Upravni odbor donosi

O D L U K U

**o privremenom obračunu neto satnice za obračun plaće
i minulog rada kao i koeficijenta za mjesec
novembar i decembar 2017. godine**

Član 1.

Odobrava se privremeni obračun sa prosječnom neto satnicom od 2,60 KM mjesečno, odnosno vrijednošću boda od 419,25 KM.
Vrijednost boda se množi sa koeficijentom složenosti i predstavlja osnovnu plaću za mjesec novembar i decembar 2017. godine.

Član 2.

Grupe složenosti zanimanja sa koeficijentima za obračun plaće:

- I. - Doktor medicine - koeficijent: 3,9.
- II. - Specijalista medicine - koeficijent: 4,7.
- III. - Specijalista doktor medicine sa preko 10 (deset) godina specijalizacije ili subspecijalizacije - koeficijent: 4,9.

Član 3.

Naknada za minuli rad za period naveden u članu 1. ove Odluke iznosi 0,5 %.

Član 4.

Sredstva za isplatu utvrđena ovom Odlukom isplaćivati će se po usvojenom Rebalansu Finansijskog plana ZZO KS.

Član 5.

Odluka je privremenog karaktera, te se ista odnosi za period naveden u članu 1. ove Odluke.

Član 6.

Obračun plaće iz člana 1. ove Odluke vršiti će se po Odluci broj 1746/13 od 06.05.2013. godine.

Po doznačenim finansijskim sredstvima od strane ZZO KS prestaje da važi navedena Odluka i izvršiti će se obračun razlike u skladu sa ovom Odlukom.

Član 7.

Odluka stupa na snagu danom donošenja, a ista se primjenjuje u skladu sa članom 4. ove Odluke.

Obrazloženje:

Upravni odbor Javne ustanove Opća bolnica „Prim.dr. Abdulah Nakaš“ na 7. (sedmoj) redovnoj sjednici održanoj dana 23.11.2017. godine, na prijedlog menadžmenta Bolnice, a nakon potpisanog i objavljenog Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo („Službene novine Kantona Sarajevo“ broj 44/17) i Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo („Službene novine Kantona Sarajevo“ broj 45/17), te nakon datih uputa i instrukcija od strane predstavnika Ministarstva zdravstva Kantona Sarajevo na sastanku održanom dana 15.11.2017. godine, nakon detaljnog analiziranja i sagledavanja kompletnog stanja u svim javno zdravstvenim ustanovama u Kantonu Sarajevo, pa tako i Općoj bolnici, a uzimajući u obzir činjenicu da su navedeni Kolektivni ugovori potpisani 03.11.2017. godine i 08.11.2017. godine, a isti se primjenjuju retroaktivno od 01.11.2017. godine, pristupio je donošenju ove Odluke.

Također, navodimo i činjenicu da je postupak izrade i usaglašavanja Pravilnika o radu, unutrašnjoj organizaciji i sistematizaciji radnih mjesta u skladu sa Zakonom o radu Federacije Bosne i Hercegovine i naprijed navedenim Kolektivnim ugovorima u toku te takvo provođenje procedure istim će se utvrditi sve zakonski propisane obaveze.

Obzirom na sve okolnosti i trenutnu situaciju imalo se osnova u ovom momentu pristupiti donošenju ove privremene Odluke.

Shodno svemu navedenom, odlučeno je kao u dispozitivu.

PRIPREMIO:

Samir Felah, dipl. jur.
Pomoćnik direktora za pravne, kadrovske i opće poslove



Predsjednik Upravnog odbora

Dr. Sead Zelić



DOSTAVITI:

- Kabinet direktora
- ☑ Upravni odbor
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Pomoćnik direktora za pravne, kadrovske i opće poslove
- Pomoćnik direktora za ekonomsko-finansijske poslove
- Svim radnicima Bolnice
- a/a